

## JAMHURI YA MUUNGANO WA TANZANIA

### WIZARA YA AFYA



### TANGAZO KUHUSU UFADHILI WA KUJIENDELEZA KWA WATUMISHI WA UMMA KADA ZA AFYA MWAKA 2022/2023

**Dodoma, Tarehe 28 Julai, 2022**

Katibu Mkuu Wizara ya Afya anawatangazia watumishi wote waliopata udahili wa kujiendeleza kwenye fani mbalimbali za Afya katika ngazi ya Ubingwa na Ubingwa Bobezi kwa mwaka 2022/2023 kwamba, Wizara itaanza kupokea maombi ya Ufadhili kuanzia tarehe 28/07/2022 hadi tarehe 20/08/2022. Maombi hayo yatawasilishwa kwa njia ya kielektroniki kwa kutumia '[link](#)' iliyotolewa kwenye tangazo hili. Maombi yatakayofanyiwa kazi ni yale yaliyowasilishwa kwa njia ya mfumo huo tu. Hivyo, waombaji waliowasilisha maombi yao kabla ya tangazo hili wanapaswa kufuata utaratibu huu.

Ufadhili huu ni kwa ajili ya kulipiwa ada ya mafunzo, posho ya kujikimu na nauli (wanafunzi watakaopata ufadhili nje ya nchi), pamoja na posho ya utafiti pindi mwanafunzi anapokuwa kwenye kipindi cha kufanya utafiti kama sehemu ya mafunzo yake. Malipo ya posho ya utafiti na posho ya kujikimu yatazingatia viwango vilivyopangwa na Wizara.

Vigezo vitakavyotumika kuwapata watakaofadhiliwa ni hivi vifuatavyo :

1. Kuwasilishwa kwa maombi rasmi ya ufadhili kwa njia ya mfumo (Post-graduate Sponsorship Online Application System).
2. Mwombaji awe ni Raia wa Tanzania.
3. Awe mtumishi wa Serikali.
4. Awe ana barua ya udahili kutoka kwenye chuo kinachotambuliwa na Serikali ndani au nje ya nchi
5. Mwombaji awe amefanya kazi kwa muda usiopungua miaka mitatu baada ya kuajiriwa Serikalini.